



高峯詩稿序



我明詩人盛於弘正其齊魯之間者

馮曰邊華泉殷石川嘉靖以來作者競



有李中麓歷城有谷少松李滄溟濮州蘇舜澤

李北山益都有馮少洲臨清有謝四溟可不謂

甚盛哉呂山人復携峯詩稿請余評之觀其

觸事抒懷引物比類率沉着簡易不為物體險

韻與浮世較工拙蓋博雅之流篤恭之士也聞

遊中麓先生之門固知淵源有自聲響迫別矣
魏生隆盛之時無所樹立每見吾黨中有功業
人品著作卓犖奇特者即擊節嘆賞願為之執
鞭故評筆峰稿而述齊魯間詩人如此筆峰年
方強壯將肆其才力總萃古今而商榷之當有
以繼諸作者之後矣筆峰姓高氏諱應祀亦章
丘人

嘉靖丙寅秋八月海豐三山楊巍撰

筆峰詩草

章丘高仲子應祀

憶昔

憶昔逢異人良晤清風夕直指天地根授我還
金液黃鶴忽飛來回首秋雲白一別二十年夢
寐滄海隔月到梧桐前猶疑見風格相思盍歸
來萬里同飛鳥

感興

春暖事西疇逢時感舊遊聽譎花裡市鮮珮柳
邊樓林壑黃塵迥江天赤日流莫須憐計拙心
已許巢由

晏起

卯屋水雲隈日高清夢回消閒窓下稿生計掌
中杯鳥為幽人語竹因僻地栽不堪出處力處
處杜鵑開

湖上歸

一棹漁歌湖水平沙頭酒盡暮烟生雲流嶽色
來長白風度河聲出小清河名過鳥疑從天外至
遊人何似鏡中行醉狂欲挾飛倦去坐釣滄溟
在赤城

訪三陽洞道士不值

好風吹我過倦家洞壑雲封石徑斜敲竹鼓琴
人不見一爐紅葦煮黃芽

十月見桃花

碧桃十月見花枝，泄漏韶光別有私。
傳語五陵豪俠客，莫教認作艷陽時。

山居得新曆

獨傍山中擁剝眠，梅花落盡不知年。
忽聞曆子頒新歲，又藉春風到枕邊。

元日寫懷

銅渾一轉復何言，消受韶華酒一罇。
玉律有年傳父老，芳塵無處覓王孫。
卜居已鑿山中井，應

候還耕江上村，贏得容顏常自好。
不妨風日掩柴門。

初春夏元功妹丈別墅招飲

春風引我興偏長，野色州光共醉鄉。
白鶴一聲雲自破，幽花滿地雨生香。
登樓已識元龍傲，好客無嫌阮籍狂。
劇飲不妨山徑晚，疎林新月隱清光。

看山

乘興啓柴扉長譚向翠微嵐光隨竹杖草色上人衣野性甘疎杜鄉評任是非一尊能醉我日暮澹忘歸

過醴泉寺

山圍古寺度僧稀忽指雲來失翠微汨汨流泉穿石出翻翻黃鶴向人飛

過聖水峪次韻

踏破白雲慙勝遊岩花石竇亂吟眸山禽似識

探竒客處處提壺為我留

女郎山舊跡

參差惟老樹咫尺即空江葆光不可見醉我夢虛窓葆光真人飛昇於此

夏至避暑北山

火氣薰人夏幽尋背郭山群峰連海嶠一徑出人間石水雲同目松深鶴自閑壺天不可問即此亦忘還

即景

雨霽星河淡悠然坐竹林微風起天末長嘯一
披襟涼影流孤月秋聲喧衆禽無懷人在此草
木亦何心

謝司馬外舅中秋招飲賦得古風

去歲中秋不見月霜落空江芳杜歇今年見月
十分秋沆瀣清輝隨意發阿翁為愛此景幽携
我同登百尺樓籌觥交錯興何限大荒疑是金

波流倚欄試向青天問七寶何年玉斧修安得
兩腋生羽翰飄飄直上廣寒遊君不見開元術
士杖為橋咫尺躡紫雲青霄婆娑老桂高如許
素練寬衣舞細腰我生不得聆霓裳且將造化
收吟囊忽然仰天譔一聲起舞與月爭輝光又
不見當時謝尚解愛才門下豪客如雲來每逢
令節開襟懷詩仙酒聖相徘徊今夕何夕遇良
會玉山潦倒我先醉願得年年月共人何嗟瞬

息西岩墜

靜夜

天淡雲流暮雨晴蕭然懷抱坐閑庭忽聞空外
精靈語風在幽篁作鳳鳴

贈五遊郭山人

天放豪遊客雲閒任捲舒無人知所自有象不
迷初衣帶三江色宵藏五嶽圖乘風在明發落
月半窻餘

別呂二中甫文 趙

門外平原路樽前秋正深江涵孤鴈影風急萬
家砧老去耽詩癖貧無贈別金願言投簡日還
憶壠頭吟

雪叢

雪叢老漁別我去為言欲向蓬萊住龍劍曾倚
空同山鰲竿閑挂扶桑樹世上何人得自由布
袍草履輕王侯憶自立樊納交誼騷壇有客共

優游虬髯鶴骨迥風塵誦罷青苔泣鬼神月下
獨吹無孔笛一聲喚回天地春我欲從君驅龍
虎金丹未得交三五安得靈炁出泥丸同君飛
步清虛府

道中早發

不識天涯路踏躑躅古道傍長詩何激烈早發豈
倉皇影落疎林月寒生野店霜漫伶行役客吾
髮亦蒼蒼

德州憇燕氏禪林

緝宇秋深古栢陰悲涼客子此登臨靈光風轉
招提境梵語時聞般若林恍入諸天開慧眼
過初地足閒心渡杯却憶當年事坐對長河盡
日吟

天津晚泊

萬里鯨波天外流蘆花夜半泊扁舟一尊獨坐
蓬窗下明月高歌何處樓

賀明府政成

君是李真才民謠叔度來天風生瀚海秋月滿
琴臺頌出名逾著官清花亦裁何知丹詔下
道接三台

老母壽日述事

三十年餘影自依寸心朝夕戀春暉淚中兒文
成今計老去春秋近古稀剩有熊丸收篋笥愧
無鸞誥慰庭闈願同愛日延遐算惟祝南山舞

絲衣

劉給事左遷廣西蓮幕

飛旌憐遠道仗劍強成歌去國顏無媿憂時髮
歎皤癯天宜宿早瘴雨入秋多莫漫歸歎與其
如宣室何

李太常師近遊園

金馬恢諧客言歸海上槎泉因裴度野書是鄴
侯家鑿石曾流髓開田疇種瓜座中有玄客清

夜講南華

寄懷谷進士歷下

彭澤當年令情深濟水
潯桑榆歌盛世風月伴
閒身丹井雙龍伏青山
一鶴馴平生幽息志何
得永為鄰

夏郡侯歸田

太守賢聲著知梳拂袖來
聚書窮禹穴飛夢到
天台早識豺狼意不教鷗鷺猜
山園有叢桂招

隱自鉅菽

高秋悼內

獨夜難成寐那堪更暮秋
斷蟬風外樹殘月水
邊樓愁極怜華髮天寒感
敝裘空將心上淚都
向夢中流

端惠王輓章

稷下西風起雪宮烏鳥驚
草茵迷輦道藻井斷
金聲圭袞傳賢嗣提封接
帝京漫須怜鼎泣

仙駕海雲橫

姜節婦有敘 節婦姓楊氏適姜生早失怙恃

家不支而命不祿揚乃傷其死以從之嗟
乎女流克明大義惜不能對揚 天廷操
筆史館聊此以紀勝跡云

天挑當芳辰貞容媚一人終天心自許中鎖在
妾身夫死妾可死夙志良已伸從死古所難偷
生詎能安身雖寄斯世心已同蓋棺悲風起夕

暉視死如視歸蛛絲繫几席塵土蒙蒙衣吁嗟
乎節婦之義山峩峩休聲千載流江河吊客紛
紛惜年少衆皆啼哭我獨歌我歌網常今何時
幸有姜家節婦知

劉隱君

世有嘉遯士晦迹夫何深即之不可見默默思
我心一朝牧鶴來林壑生清陰霞顏迴山嶽烟
語殊古今短髮竹皮冠良霄緇布衾忽爾長揖

去悠悠白雲深

橫笛

木落空山鴈一聲風前短笛暮寒生含情欲奏
桓伊調吹落梅花誰解聽

雪中訪王山人不值

扶醉長歌步雪來好懷欲向故人開不妨王子
先乘興冷透鸞裘惆悵回

聞鶯

醉客貪眠眠未醒東風吹暖雪初晴曉來得意
惟黃鳥先報陽春第一聲

早春田舍漫書

結屋傍溪橋春寒雪未消日長門巷靜心與市
城遙鳥語催吟筆山光入酒瓢那知官路柳迎
暖拂新條

春江吟

長日對孤琴悠然太古心閑居曾作賦梁父懶

成吟鳥度花間語雲移水面陰有懷不可見何物是知音

龍泉古剎觀百脉池

欲訪桃源路未通偶來蘭若與誰同香含幽草
怜高適漏滴蓮花憶遠公百脉寒流龍窟水諸
天靈籟鶴林風坐深殊覺消煩慮一曲滄浪月
滿空

華特鎮秀才枉顧川上草堂留酌

君知此地迥風塵青眼論交道義真蓬華久無
題鳳客江湖喜共狎鷗人樽前沉醉忽忘我座
上長吟覺有神村枕寒流山壓屋杖藜莫厭往
來頻

雨晴夜

江上雨初晴雲盡天俱碧虛窓寂無聲但聞松
露滴

謝四翁外舅得子

忽報長庚曉東風屬早春食牛今有子司馬是
前身海嶽晴光滿池塘草色新傳家自申伯又
見請纓人

定交篇為遠文甫山人贈

美人貽我珠玉篇襲藏却恐光觸天被玩昏朝
不釋手真詮妙悟無何傳粗糲終身自常布陋
室蕭然如磬懸有時發興縱斗酒狂呼欲上崑
崙顛有時搥箏掃素練神工未許馬夏專有時
橫琴弄秋月雙鶴飛舞浮丘前平生所好隨所
適焉問滄海為桑田我兼好之真成癖駕駘爭
比驂騑先吁嗟細事無復道更願與君學飛仙
金馬門前降王母蟠桃一結三千年

病起有感

泉石應知我扶筇有所思吁童頰晒藥聽鳥忽
成詩人事驚殘夢春風感昔時將何醅造物麴
藥舊生涯

贈郭廷馨醫官

醫從何者傳海上授真詮自擬青山主人呼陸
地仙神遊三島外道在一元前我亦烟霞客相
逢不問年

中麓書院別崔秀才還都下

京國知名士春風賫志來終心期遠到半面識
高才作賦黃金重談經絳帳開與君從此別
上鳳皇臺

春日同謝惟芳內弟過康太守別墅

甲第新開府猶疑舊浦橋列侯今領郡狂客喜
聯鑣雪意疎梅蕊春光上柳條情知重葺布不
是問當朝

王仁甫表兄卜築落成

卜築枕東城深藏著令名閉門天地濶開徑竹
松清物外輞川畫風前縵嶺笙喜有交臂處無
雀亦多情

春閨

曉霧輕籠髮春山遠畫眉粧成簾不捲祇恐燕
驚窺

宮詞

柳枝長傍袞衣垂月色呈輝上鳳帏却媿蛾眉
闌新月漫將楊柳學腰肢

怨別

獨上粧樓面翠微天涯遊子久忘歸薄情不及

隨陽鳥線見春來向北飛

惜流光

遊糸百尺飛難繫晴暉住白雪上人頭春風吹
不去

袁詞翁與鄉飲

盛代重開堯舜天太平春酒重君賢柴桑舊里
西谿近肉帛新恩北斗懸一曲清歌人寡和長
生大藥孰先傳梅花應識袁安意長伴幽窓雪

後眠

踏二尹解官歸中州

達人在適意舒捲任吾心
道直時難遇情真山
可尋歸途雲接境到舍竹成林
野老相逢日應
伶一舊琴

別監事從叔北上

瀕別伶行邁雲霄入望矧
漢皇重詞賦阮叔
有才萃落日長亭柳春風上苑花
燕山如見月

千里漫思家

贈王秀才訪牢山廣陽師

跨鶴王喬何處來天風淡淡雲芝開
逼人逸氣冲三台知君脫畧經綸才
我曹亦有山林骨一見共倒流霞杯
曾將天地立匡郭昆侖頂上忽
鳴雷相看竟日不作語有時笑吸滄江迴
三花樹邊別我去天吳作雲陰蓬萊
飲女郎山亭

春風花底不停杯又被流鶯引興來落日放歌
還緩酒青山馬上載詩回

謝魯中立遠札

綠遍汀洲欲暮春王孫應念水南鄰踈狂懶上
陳思殿只合烟霞作主人

醉起

燕麥花開竹籜時一春浪迹酒杯如晝長睡起
醒猶在漫檢茶經續舊詩

春日過謝四翁外舅別圃賦得題文

初晴曉色景宜人碧草池塘曲徑新書架滿樓
山擁翠酒杯呼客座生春居深隱鳳雙棲竹水
暖遊魚亂出蘋舒嘯一聲高興發踈狂許我伴
閑身

首夏三舍弟邀飲道院

芳菲老盡怨啼鶻四月風光更可憐百舌令人
尋僻地同胞伴我入壺天松間把酒呼黃鶴雨

後看山生紫烟
弟勸兄酬情自足
不須方外說神仙

水心亭小集

水心亭樹鏡中開
五月風光入酒杯
沉醉不知紅日下
青山倒影向人來

萬竹亭晚歸

為愛淇園竹清陰
坐夕曛
疎枝低亞月高節直
凌雲傲吏開三徑
幽人對此君
怜余復何事
載

酒日殷勤

懷趙府李良醫

左車何許人
鄴下署王臣
作賦心逾苦
燒丹計亦貧
春風隨柳絮
夜雨落花塵
相憶應衰髮
飄零處處身

憂旱

明月倍生光
槐陰覆我床
玉衡當子夜
起看星芒
芒芒徒倚不成寐
攬衣獨徬徨
禾黍日已稿
菜

素自已黃出門聞野哭十室半逃亡生靈餒歎
死雀鼠盈太倉哀哉難重陳天不生商羊

雨晴李太常師西成樓招飲時聞倭警

浹旬積雨何時晴晚涼天末殘霞明聯鑣出郭
衝泥險與客登樓御氣清風捲疎簾山色入天
低遠樹野雲平主人不忘憂世念共說江南未
洗兵

李光遠小隱

天津曉渡

望外扶桑曉長歌度海門天低烟似濤風定浪
猶翻旆食燕齊雜王程水陸煩勞勞何日息一
棹去桃源

京邸有感先兄

不到京華今幾秋光天依舊五雲浮孤裘別
後人何在長鉞歸來志未酬囊裏誰憐司馬賦
天涯獨上仲宣樓追思往事空蒐夢淚洒西風

易水流

暮秋感

醉後不知秋
欲盡忽驚殘
葉下空林
微霜菊向
幽人發
應候蛩
依細雨
吟欲買
青山償
酒債
先於白鳥
息機心
遙思萬里
戈鋌客
絕塞黃雲
入燒深

秋夜旅懷

高閣微烟
沒明光
流相看
是何夕
倏爾近

登長白山晚歸有感

萬仞峯頭
一草亭
勝遊終日
慈山靈
幽蘭窮谷
香猶在
野客清
秋醉不醒
華髮生
寒人近
月明河無影
樹垂星
先憂後樂
非吾事
范老空齋
夜未高
即丈正公
讀書處

夜話弭來夫秀才

歲晚江鄉門
早閉
鶴驚犬吠
子猷來
相煨榾柮
延清話
莫道烟霞
有異才
殘月流空
猶照雪一

陽復地欻飛
灰冰霜麻蓋
甘岑寂亦許
春風到
草萊



